



Broj: 09-20-11-2-2964
Sarajevo, 12.12.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

O D L U K U
o poništavanju postupka javne nabavke
Nabavka kamera i ostale elektronske opreme

I

Poništava se postupak javne nabavke „Nabavka kamera i ostale elektronske opreme“, LOT 1- Nabavka kamera, LOT 2- Nabavka projektora, LOT 3- Nabavka UPS-a i LOT 4- Nabavka prikrivene kamere za izviđanje, a u skladu sa odredbom člana 69. stav (2) tačke a) i d) Zakona o javnim nabavkama.

II

Za izvršenje Odluke zadužuje se Sektor za materijalno-finansijske poslove.

III

Ova Odluka objaviti će se na internet stranici Federalne uprave policije.

IV

Ova Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka kamera i ostale elektronske opreme“, broj Obavještenja o javnoj nabavci: 1412-7-1-305-3-162/22 od 28.11.2022. godine.

Javna nabavka je provedena putem konkurentskog zahtjeva za dostavu ponuda.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01. i 15.11.2022. godine.

U postupku je utvrđeno da je Komisija u svemu pravilno postupila, te da je preporuka o poništavanju postupka predmetne nabavke, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da je zaprimljena 1 (jedna) ponuda, koja je ujedno i blagovremena, i to ponuđača „KODEKS“ d.o.o. Sarajevo – za LOT 1 Nabavka kamera i LOT 3 Nabavka UPS-a, dok za LOT 2 i LOT 4 nije bilo zaprimljenih ponuda;
- da nije bilo neblagovremeno zaprimljenih ponuda;
- da je Komisija konstatovala da ponuda ponuđača „KODEKS“ d.o.o. Sarajevo (LOT 1 i LOT 3), formalno-pravno nije ispravna iz sljedećih razloga:
 - ponuđač „KODEKS“ d.o.o. Sarajevo u obrazcu za cijenu ponude – Aneks II (za LOT 1) nije popunio dio obrazca koji se odnosi na minimalne tehničke karakteristike uređaja koji se nudi, niti je u istom upisao naziv proizvođača i proizvoda koji se nudi (suprotno tački 1.6 tenderske dokumentacije). Ponuđač je dostavio katalog kamera koje nudi, ali iz istog se nije moglo utvrditi da li tehničke karakteristike ponuđenog uređaja odgovaraju minimalnim traženim tehničkim karakteristikama (u dostavljenom katalogu nisu sadržani podaci traženi tehničkim karakteristikama uređaja obrazca za cijenu ponude –Aneks II).,
 - ponuđač „KODEKS“ d.o.o. Sarajevo u obrazcu za cijenu ponude – Aneks II (za LOT 3) nije dostavio dio obrazca koji se odnosi na minimalne tehničke karakteristike uređaja koji se nudi, niti je upisao naziv proizvođača i proizvoda koji se nudi (suprotno tački 1.6 tenderske dokumentacije). Ponuđač je dostavio predračun sa nazivima uređaja koji se nudi i osnovnim karakteristikama uređaja koje nudi, ali iz istog se nije moglo utvrditi da li tehničke karakteristike ponuđenog uređaja odgovaraju minimalnim traženim tehničkim karakteristikama (u dostavljenom predračunu nisu sadržani podaci traženi tehničkim karakteristikama uređaja obrazca za cijenu ponude –Aneks II).

Iz navedenih razloga Komisija je dala preporuku o poništavanju postupka predmetne nabavke, a primjenom člana 69. stav (2) tačke a) i d) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.


ZAMJENIK DIREKTORA
Generalni inspektor policije
Ensad Korman

Dostaviti:

- Sektor za mat. fin. poslove
- ponuđaču
- u spis